



Lembaran Pendedahan Produk

Insurans Wang

Sila baca Lembaran Pendedahan Produk ini sebelum anda membuat keputusan untuk membeli Insurans Wang. Pastikan juga anda telah membaca terma-terma dan syarat-syarat am.

NOTIS PENTING

Manfaat-manfaat yang dibayar di bawah sijil/polisi/produk yang layak adalah dilindungi oleh PIDM sehingga had perlindungan. Sila rujuk [Brosur Sistem Perlindungan Manfaat Takaful dan Insurans PIDM](#) atau hubungi [Tokio Marine Insurans \(Malaysia\) Berhad](#) atau [PIDM](#) (layari www.pidm.gov.my).

1. Apakah produk ini?

Polisi Wang direka untuk melindungi kehilangan wang semasa transit atau semasa di premis.

2. Apakah perlindungan/ manfaat yang disediakan?

Polisi Wang menyediakan dua bentuk perlindungan:

■ Risiko Transit - Kehilangan wang di luar premis

Seksyen ini melindungi kerugian wang akibat pemusnahan sebenar, kehilangan atau pengeluaran wang secara tidak sah semasa dibawa oleh pekerja, pengurus, penjaga Pihak Yang Diinsuranskan yang diberikuasa. Anda hendaklah mengira jumlah tertinggi bagi mana-mana satu transit kerana ianya akan mewakili had liabiliti pada satu kejadian.

■ Risiko Premis - Kehilangan wang di dalam premis

Seksyen ini membayar kerugian wang di dalam premis sebagaimana dinyatakan atau untuk wang yang disimpan dalam peti, bilik kebal dan sebagainya yang berkunci. Anda hendaklah mengira jumlah tertinggi yang disimpan di premis pada satu masa kerana ianya akan mewakili had liabiliti pada satu kejadian. Sebagai tambahan, polisi Wang kami juga melindungi kos pembaik-pulih atau penggantian peti simpanan, bilik kebal dan sebagainya yang berkunci akibat pencurian atau sebarang percubaannya sehingga RM1,000.

Tempoh perlindungannya ialah selama satu tahun. Anda dikehendaki membaharui polisi insurans anda setiap tahun.

3. Berapakah premium yang saya perlu bayar?

Jumlah premium yang anda perlu bayar adalah berbeza bergantung kepada pendedahan risiko, keperluan pengunderaitan pihak kami dan jumlah diinsuranskan ke atas risiko tersebut.

Pengiraan premium lazimnya berdasarkan pengiraan dwi lapisan, contohnya:

- Wang dalam transit adalah berdasarkan Simpanan Tahunan Teranggar
- Wang di premis yang mewakili had maksimum wang semasa disimpan di premis

Anggaran Simpanan Tahunan : RM _____

Kadar : _____ %

Wang di Premis : RM _____

Kadar : _____ %

Jumlah premium teranggar yang anda perlu bayar anda ialah : RM _____

4. Apakah yuran dan bayaran yang saya perlu bayar?

- Cukai Perkhidmatan : 8%
- Duti setem : RM10.00
- Komisen dibayar kepada pengantara insurans (jika ada) : 25% daripada premium atau RM _____

5. Apakah terma dan syarat utama yang saya harus ketahui?

- Kepentingan pendedahan - anda dikehendaki mendedahkan semua fakta material yang anda tahu atau patut tahu; jika tidak, polisi ini akan dianggap tidak sah.
- Anda mesti mengambil segala langkah pencegahan yang biasa dan munasabah untuk menjaga keselamatan harta yang diinsuranskan.
- Anda mestilah memberitahu pengantara insurans anda atau pihak kami secara bertulis apa-apa perubahan penting semasa dalam tempoh insurans supaya perubahan yang sepatutnya boleh diendors ke atas polisi anda.

6. Apakah pengecualian utama di bawah polisi ini?

Polisi ini tidak melindungi kerugian, atau kerosakan disebabkan oleh:

- Perang dan risiko-risiko berkaitan
- Mogok, rusuhan and kekacauan awam
- Sebarang tindakan keganasan
- Perampasan atau pemusnahan oleh atau atas perintah mana-mana Kerajaan atau Penguasa Awam
- Pemalsuan Bank atau matawang

- Kekurangan disebabkan oleh kesilapan atau kesilapan perakuanan
- Kehilangan dari kenderaan yang terbiar.
- Menggunakan kunci pendua, melainkan ianya diperolehi dengan menggunakan kekerasan atau keganasan
- Kerugian akibat susut nilai
- Mana-mana kerugian turutan
- Kerugian yang terbit daripada pengionan radiasi atau kontaminasi oleh radioaktif daripada sebarang tenaga nuklear, bahan buangan nuklear atau sebarang senjaya nuklear.

Nota: Senarai ini bukannya senarai yang lengkap. Sila rujuk sampel kontrak polisi untuk senarai penuh bagi pengecualian di bawah polisi ini.

7. Bolehkah saya batalkan polisi ini?

Anda boleh membatalkan polisi ini dengan memberi notis bertulis kepada pihak kami. Selepas pembatalan, anda layak mendapat pemulangan premium ditolak premium pada kadar tempoh singkat bagi tempoh polisi yang telah berkuatkuasa, tertakluk kepada premium minimum yang ditahan oleh pihak kami. Tiada pemulangan premium dibenarkan jika timbulnya tuntutan di bawah polisi ini.

8. Apakah yang harus saya lakukan jika terdapat perubahan dalam butiran peribadi saya?

Adalah penting bagi anda untuk memaklumkan pihak kami tentang sebarang perubahan mengenai maklumat anda bagi memastikan semua surat-menyurat dapat disampaikan kepada anda tepat pada masanya.

9. Dari manakah boleh saya dapatkan informasi yang lebih terperinci?

Sekiranya anda memerlukan informasi tambahan mengenai Insurans Wang atau mana-mana jenis produk insurans yang pihak kami sediakan, sila hubungi kami atau mana-mana cawangan kami atau pengantara insurans anda atau layari laman web kami di www.tokiomarine.com

Tokio Marine Insurans (Malaysia) Berhad
Level 20, Menara Hap Seng 3,
Plaza Hap Seng, No. 1, Jalan P. Ramlee,
50250 Kuala Lumpur.

Customer Service Hotline: 1800 88 0812
Email: letusknow@tokiomarine.com.my

10. Lain-lain jenis perlindungan Insurans Am yang disediakan

- Insurans Kaca
- Insurans Pecah Masuk
- Insurans Peralatan
- Insurans Semua Risiko
- Insurans Jaminan Setia

NOTA PENTING

Anda hendaklah membaca dan memahami polisi insurans dan berbincang dengan pengantara insurans anda atau hubungi terus kami untuk keterangan lanjut.

Informasi yang disediakan dalam lembaran pendedahan ini adalah sah pada 01/03/2024

Tokio Marine Insurans (Malaysia) Berhad dilesenkan di bawah Akta Perkhidmatan Kewangan 2013 dan dikawalselia oleh Bank Negara Malaysia.